

景東直隸廳志

地 350.131

134


134

地

394.41

34

1-4



景東直隸廳志序

事有似輕而實重似緩而實急其惟郡縣之志乎志緣地理志而作幾疑為文人紀載僅以資博洽逞風藻殊不知其包羅囊括無乎弗備實有裨於吏治蓋郡縣之吏與其他素不相習一旦蒞而治之政教設施之次第時勢通變之調劑自非參究得失斟酌古今曷由宣揚德化鉅細咸當則志之作誠郡縣之不可一日緩抑且重有賴乎此也丙午歲余捧檄來滇初攝東川之會澤越歲權守大理已酉夏臨景東本任往來於迤東西之道路數矣山川人物俗尚風土

尚能歷歷言之而終不若一讀志書之為快顧東川為府志而會澤盡治府地則所以志府者即所以志縣大理夙稱多郡多古蹟其志較繁編纂亦完好凡一方利病千載損益所以肅官方裕民生者犁如瞭如可指諸掌謂非吏治之考鏡而昭重務急之所在哉而景東乃獨無志雖其故實已類見於雲南通志然通志云者合郡縣之分志而言也合者職其大分者職其詳竊思景於古隅在荒服漢唐以前未始有聞元明時屬羈縻州府暨我

國家中外一統聲教四訖



聖天子承承繼繼重熙累洽自改土歸流仁漸義摩禮陶
樂淑俾兜離魁結之鄉日有聲名文物之可紀不急
於其地蒐羅訪葺以勒成一書守土之謂何其輕之
也暇日檢故牘得閱崑山徐公樹閣志稿知景志創
於胡公向極徐公踵而修輯距今幾六十年殘業失
文究未卒業用敢不揣固陋妄加校覈刪合者什六
七焉參訂者什五六焉增益者什三四焉典章經制
攸繫職業者載之尤備其體例則一稟於通志庶幾
藉以指導黽勉盡心民事而亦使披覽此志者不必
身至景而有見於景之人情物土莫為採風問俗之

一助或亦諒余之不敢緩其所急輕其所重云

同知吳蘭孫序

舊序一

郡之有志即國之有史也不曰史而曰志志其郡之所有而已倘沒其所有雖美弗傳飾其所求有雖美弗信不信不傳無以顯微聞幽雖文奚補焉致古列國之史遞有述作各成一家然至求必信必傳亦寥寥可數毋乃以事闕典則載筆其難子長孟堅世無匹耶矧景徽外荒僻舊志弗具曩得署守李太奎郡孝廉楊君周行及諸庠士加意搜羅纂集成帙亢天文地理物產人事析類分紀各釋以義非常日一方鉅典哉迺戊子間寇焚無遺久廢弗修至今觀乎山

川疆域邑居民數經制度物而無所於裁也觀乎政治得失民事緩急弛張先後而無所於稽也觀乎風氣民習異同趨舍而無所於徵也嗟乎欲彰往昭來俾可信可傳者志不綦亟歟極猥無學深懼不敏廣輯見聞之舊以綴於篇敢曰可信可傳乎哉亦聊取郡之所有者而志之并愿後之有志於斯民者其求諸所以為志也可是為序康熙十二年癸丑春王正月遼陽胡向極題

舊序二

余蒞景二載奉檄修郡志洵盛典也蓋輶軒訪俗太

史陳詩在昔已然方今自省會以迄郡邑莫不有志
服攷者將於此鏡得失焉景雖一隅其高可缺顧向
無志乘遍如蒐訪始得前郡丞胡公向極抄本一編
寥寥數百言且相距六十餘年矣時移俗易今昔異
宜援據多未能備用集一二耆儒探索舊聞凡有闕
國計民生政事風俗犁然畢具餘則概不敢綴恐貽
濫觴之譏輯成而尖牙相錯者疆索也宛然在目衡
從其畝者田疇也瘠沃可稽山林之堪備樵牧幾何
泉流之足資灌溉幾何人品俗尚為奚似聲明文物
為奚似爾乃計斤酒則鹽井互異譜物產則泉府有

資庶幾竊附通志之末並期傳信願是舉紀出自

聖天子之

休命與夫

上憲之盛心一道同風無遠弗届余特奉令承教聿
觀厥成爰進紳士而告之曰是志之修正文獻光昌
之會也造物不憾地以生才宜各勉進修共遊文化
之隆俾長吏得藉手以告無罪至編輯未工不敢辭
陋方當質諸

憲府以授梓人用述其顛末如此雍正十年歲壬子
春正月景東府掌印同知崑山徐樹閣題

舊序三

從來史以載事而覈實甚難孔子曰吾猶及史之闕文也故春秋之作如盟密夏五承訛不改春秋以降代有信史其綜全領要足以據古而信今者則莫若綱目一書所謂繼麟經而起者也雖然考諸古制史有內外氏均職紀載以傳事實國既當傳信謂邑之忠獨可以無徵乎滇屬梁州徼外地漢司馬相如僅一通道其後六詔紛爭蒙段窳據亦僅同羅施鬼國靡莫蠻方而已孰有過而問之者迨明洪武間置土設流始隸版籍正統中立學稍沾文物然一即之洪

織事蹟書闕有間我

國家車書一統郵理日隆改土歸流喁喁向化景處偏隅共慶風淳俗美茲蒙

上憲檄令郡守徐公纂輯郡志洵鉅典哉

徐公因召問政而命之曰是舉也予夙有懷而未逮者當與子共勉之問政不敢以謏劣辭於是廣修博採究殘編詞遺老每事必求諸信仍取前太守胡公舊志而參酌焉不十旬告竣竊恐言之不文無當憲意或者是邦之風土情形按籍可稽不至矯誣失實庶有孚乎是為序雍正九年嘉平月景東儒學教授

張問政謹序

纂修姓氏

監定

纂修

雲南景東直隸廳同知吳蘭孫

校閱


景東直隸廳儒學教授馬應奎

景東直隸廳儒學復設訓導王溥元

監梓

景東直隸廳經歷司經歷許栢齡

署景東直隸廉猛統巡檢司巡檢黃漢華



國立北平圖書館鈔藏

纂修景東直隸廳志凡例

一舊志稿四冊門分二十七目列三十今併為十二門分四十二目附入者九圖說列於卷首計分四卷以俟後來增補

左太冲有言美物者貴依其本讚事者宜本其實况志宜辨物居方尤在所慎舊志載伊尹定貢武王征隊莊騫畧滇漢開西南係本通志者以與景無所關係不敢贅入

一景地史集罕見又無故家傳文可以徵信姑就所有者聚之無者寧闕仍一遵通志參考訂述以期

體例謹嚴


一名宦以有功德於民風流被於此土也景地崇祀多有

前任大憲志依舊志恭載以誌邊氓之謳思寤寐於不忘云

一人物之後繼以列女史傳體也舊志分四目今仍其舊

一藝文取其有係此地者載之景人士傳作寥寥故廣加搜訪凡輜軒官跡品題所及作於其地者即為登錄首列

文端少保精田先農二說以誌教本崇實之化



景東直隸廳志目錄

卷一之一

星野 氣候附

卷一之二

疆域 沿革 形勝 山川 關梁 驛途
里堡

卷一之三

城池 建置 衙署 倉庫監 坊市 壇壝
祠宇 寺觀 附

卷二之一

賦役 田賦 鹽 法附

差徭 戶口 經費

卷二之二

學校 文廟 禮器 樂舞 附 祀典 典禮
考校 義學 經籍

卷三之一

職官 名宦 土司 附

卷三之二

兵防 營制 秩官 衙署 營房 塘哨
糧餉 馬四 軍火器械 盈餘附

卷三之三

選舉 進士 舉人 選貢 例貢武進士武舉附

卷三之四

人物 鄉賢 忠孝 耆英 節義 仙釋附

卷三之五


風俗 種人附

卷四之一

物產

卷四之二

藝文 說記賦詩






景東直隸廳志卷一之一

星野 氣候附

周官保章氏以星土辨九州緯宿各有分隸迨兩戒之說起又以山河脈絡配雲漢升沈所謂在野象物在朝象官在人象神庶物蠢蠢咸得繫命也滇處西南景郡故入益州占星者輒詳雍分稽諸

憲典考定井鬼躔度暨分至之昏昏旦之候亦附焉志

星野



分星

東井 八星 屬星十有六

鉞 一星

天鐸 三星

積薪 一星

水位 四星

四瀆 四星

軍市 十三星

子 二星

文人 二星

闕邱 二星

狼 一星

狐矢 九星

與鬼 四星 屬星六

燿 四星

積尺氣 一星 在鬼星下

外廚 六星

天狗 七星

天社 六星

天記 一星

宿度

井宿 三十度

鬼宿

次舍

鶉首 末宮

極星

北極出地 二十二度

中星

井宿雨水昏中

鬼宿春分昏中

昏旦

井鬼宿同度

六月 旦在卯

七月 旦在辰

八月 旦在巳

九月 旦在午

十月 旦在未

十一月 旦在中

十二月 旦在酉

十一月 昏在卯

十二月 昏在酉

正月 昏在巳

二月 昏在午

三月 昏在未

四月 昏在中

五月 昏在酉

表景

春分十四度五分

夏至十九分

秋分與春分同

冬至十二度三分

天漢

南河權三星

北河權三星

井鬼之中南河三星居南北河三星居北是為兩戒東井居河陰與鬼居河楊

按言天文者有六家一曰蓋天軒轅時容成子作二曰渾天本乎顓頊傳於虞舜三曰宣夜起自殷人四曰昕天言天比高南下若車之軒五曰穹天六曰安天吳晉姚信虞喜等嘗為著論皆統言象緯至以九州十二域分繫二十八宿則出於鄭康成周禮註疏

漢天文志所載經星常宿中外官凡一十八名積數八十三星皆有州國官宮物類之象張衡又云常明者百有二十可名者三百二十為星二千五百微星之數總萬一千五百二十孫吳太史令陳卓始列廿氏石氏巫咸三家星官著於圖錄并注占贊總有二百五十四官一千二百八十三星并二十八宿及輔官附坐一百八十二星總二百八十三官一千五百六十五星用以察驗人事推候依咎唐僧張敬賢謂分星有山河脈絡之兩戒雲漢井沈之四維審而識之可以見其相配鄭樵獨取之其法北界起三危積

石負地絡之陰東及太華北抵常山又東循塞外至
於朝鮮為北紀南界起岷山嶠冢負地絡之陽東及
太華南逾江漢又東循嶺表極於東甌閩中為南紀
河源自北紀之首與地絡相會分而東流與涇渭海
濟相表裏謂之北河江源自南紀之首與地絡相匯
分而東流與淮漢相表裏謂之南河雲漢則午月一
陰生潛萌於天稷之下及未月得坤維之氣陰連地
上而上升交於東井東井據百川上流故鶉首為秦
蜀得兩械山河之首申月連坤維之右而漸升交於
觜參觜直天關表在河陰故實流為晉酉月深涉河
陰交於昴畢此河外國也故太梁為趙戌月進及降
婁當南河之北故為徐州魯國亥月陰氣踐乾維交
媿當當升降之中居水行正位故分野在中州河濟
間於國為衛子月一陽生漸降交於元枵當北河之
南故為青徐負海國丑月及艮維交星紀趨於下流
百川歸焉故為揚州為吳越寅月踰艮維交析木歸
於未派九河極焉故為幽州為燕卯月交大火潛沈
於正東辰巳及午歷癸維而交鶉火則南界之地絡
實應之蓋天度圍闢南北二億三萬三千五百里七
十五步東西短減四步周六億十萬七百里二十五